

Шочмо эл, порылык да чын верч!

Будь готов!

52-шо (3544) №,
2021 ий 24 декабрь,
кугарня.

Ямде лий



1933 ий 1 февраль годсек лектеш.

0+

У ий куаным пөлекпа

Е.ИВАНОВАН фотожо.

Снимкыште: Йошкар-Ола
гыч Маша БИРЮКОВА.

Салам, Йүштө кугыза! Мый 1-ше
классыште тунемам. Лудын, возен, шотлен
моштем. У ий пайремым пеш вучем. Тигр костю-
мым ямдыленам. У ий кож воктене почеламутым
каласкалаш тунемынам. Ий мучко шкемым сайын куче-
нам. Йүштө качай, пөлекым кондет вет?

Морко, Арын.

Артем СЕРГЕЕВ.

У ий толеш! У ий толеш!
Ош кава гыч лум велеш.
А гирлянде чїкталтеш –
Шїдыр гае волгалтеш.

Йоча-шамыч, куаналын,
Кож йыр пөрдыт, юарлат.
Сай пөлекым кидыш налын,
Чал качайлан тауштат.

Каролина ПУРТОВА.
Национальный сымыктыш
гимназий.

«Ямде лий»
газетын вес
номерже 2022
ий 7 январыш-
те лектеш.

« Пий » сенымашым конден



«Уральский книгоход-2021» всероссийский сылнымут конкурсым иктешленит. Йошкар-Оласе 7-ше номеран школын 10-шо «Б» классыштыже тунемше Юлия ШАМАРДИНА (снимкыште) «Йоча прозо да поэзий» тагасыште кумшо верым налын. Тудо пинеге нерген «История щенка» латныл главан ойлымашым возен.

– Мыланем почеламутым сераш утларак келша. Ик пийын историйже чонышкем логалын да ойлымашым возаш кумылажынам. Ойлымашыште пинеге орланымьже, куанымьже нерген каласкала. Тудым озаже йӱратен огыл. Акаже, ызаже-влакым еншамыч наҥаенит, а тудо йокрокланен. Пинеге «Чудо» главахте пналжым муын. У озан Мурка пырысьше, Полина ўдыржӧ дене палыме лийын. Пинегылан Лорд лўмым пуэныт, – каласкала ўдыр.

Х.АЛЕКСАНДРОВА.

Фотом еш архив гыч налме.

Йот йылме арня

Англичан йылмым Роза Леонидовна Ялалтдинова туныкта. Тудын эртарыме уроклаже тунемше-влаклан пеш келшат. Шукерте огыл школыштына йот йылме арня эртаралтын. Ме англичан йылме дене мурым муренна, тўрлӧ онгай пашам шуктенна, Английыш «унала» миен коштынна. Йот йылмым келгынак тунемаш кумылна лектын.

Вера КОНЫШЕВА.

Шернур, Мустай.

Историйым шергалына

Руш-турко сар годым, 1790 ий 24 декабрьыште, Александр Васильевич Суворовын вуйлатыме руш войска Измаил турко орым сеҥен налын.



Франци-йыште йоча-влаклан пӧлекым Пер-Ноэль конда. Тудо пӧртыш пуч гыч пура да кечыше носкилашке пӧлекым опта.

Фотом школ архив гыч налме.



Токтарсола кундемна пеш мотор. Йырымваш чодыра. Рўдолашке кудалме годым яшката пўнчерым ужат. Тушто ечыгорным такыртыме. Ик кечын ме, тўналгыш класслаште тунемше, туныктышо-влак, тазалык корнышко лекна. Теве тыгай сӧрал верым ужна да моторын войзалтна.

Николай ГРЕБНЕВ.

У Торъял район.

Российысе увер

6-18 ияш ўдыр-рвезе-влакым «Поколение М» всероссийский усталык конкурсыш ушнаш ўжит. Келшыше номинацийым ойырен, пашам 31 май марте колтыман. Тўрыс уверым vsekonkursy.ru сайтыште ончаш лиеш.

5-6-шо класслаште тунемше-влак, ача-авада дене пырля тошто смартфон гыч арверым ыштыза, видеороликым войзыза да «7Я» всероссийский Эко-Логике конкурсыш ушныза. Пашам academysg@apkpro.ru адрес дене 19 январь марте колтыза.

3-18 ияш ўдыр-рвезе-влак «Новогодний калейдоскоп» всероссийский усталык конкурсышко ушнен кертыт. Келшыше тагасым ойырыман да йодмаш ден пашам 31 декабрь марте колтыман. Тўрыс увер – kryl-tvor.com сайтыште.

Марий Элысе увер

Всероссийский сочинений конкурсым иктешленит. У Торъял школын 6-шо классыштыже тунемше Саша Смирнов сеныше радамыш логалын. Туныктышо – Е.Ю.Шестакова.

Оршанке посёлкысо «Спутник» самырык театр «Наташина мечта» моноспектакль дене Юл кундем федерал округысо «Театральное Приволжье» йоча да самырык коллектив-влак фестивалын регионисо йыжыгыштыже сенышыш лектын.

«Воштончыш» образцовый музыкально-драматический театр «Марий У ий костюм» акцияым эртара. Кажне кумылан ен ушнен кертеш. Фотографий-влакым «ВКонтакте» соцкылысе «Театр «Воштончыш» тўшкаш 9 январь марте колтыман.

Поро паша мондалтдыме

Марий Эл Республикысе йоча да подростковолакын «Эр вий» ушемшыт «Семейное добровольчество – территория возможностей» проект радамыште «Семейный марафон добрых дел» акцийым эртарен. Тушко Марий Турек, Медведево, Морко, У Торъял, Оршанке, Советский районла, Йошкар-Ола да Звенигово ола гыч 107 еш ушнен. Кажне еш командын маршрут лаштыкше лийын. 99 түрлө поро паша гыч шкалан келшышым ойырен, сомылым шуктеныт. Южо полышым дистанционно пуаш лийын. Команде-влак кажне пашалан баллым погеныт.

Йошкар-Ола гыч Антоновмыт-Речкинмыт еш 31 поро пашам шуктен да 700

балл дене чылам ончылтен. 14 еш призёр радамыш лектын. Нуно 300 баллым погеныт.

– *Ме волонтер еш улына. Тидын дене кугешнем. Мый шуко жапым ача-авам дене пырля эртаренам. Ятыр вере лектын коштмо. Ен, ныл йолан йолташна-шамычлан полшымо, врач-влак-лан тауштымо, кумдан палыме ен-влак, тоштер, чапкү нерген видеороликлам войзымо, йоча-шамычлан модашышт келыштарыме верлам ачалыме да шуко моло пашам шуктымо. Полыш кидым кеч-көлан да кеч-кунам шуялташ ямде улмына дене кугешнем да волонтер радамыш шукур-рак еным ушнаш үжам,* – ойла Ян Речкин (снимкыште).

Поро паша мондалтдыме.



Тудым ышташ нигунам вараш от код. Куаным, пиялым кажне кечын кондыман. Порылыкын юзо вийже тек тўняште курымеш ила.

Е.ИВАНОВА.

Фотом еш архив гыч налме.



Фотом школ архив гыч налме.

Ме У ийым изин-кугун вучена. Тидлан сайын тунемына, түрлө конкурсышко ушнена да сeгышыш лектына. Пайрем вашеш классым сōрастаренна, У ий кожыш сакалаш модышым ямдыленна. Ончалза, могай мотор улыт!

3-шо классыште тунемше-влак. Волжский, Пōтъял.



Палаш онгай

Финлянди-йыште Йоулупукки йоча-влак-лан пōлекым кучыкта. Тудо кугу пылышан. Йоулупукки «Рошто каза» манын кусаралтеш.

Швецийыште – Юль Томтен. Тудлан Дасти лум мōчōр, эльф-влак, Лум Кугыжа, орадыланыше коля-шамыч польшкалат.

Толын теле, йўштō теле,
Нер мучашым кылмыкта.
Ече дене, издер дене
Йолташемже мунчалта.

Дима ПЕТРЯЕВ.

Татарстан, Агрыз, Буймо.

Икгай кок модышым муза.



Чолга улыт

«Лучшая команда РДШ» всероссийский конкурсын регионсыо этапше эртаралтын. 7 команде «РДШ-ын эн сай первичный отделенийже» да «РДШ-ын эн сай командыже» тагнаслаште уш-акылжым терген. Тўрлō заданий почеш команде дене пашам ыштен моштымышт акчалтын. Йошкар-Оласе

10-шо номеран школышто РДШ-ын эн сай первичный отделенийже пашам ышта. 29-ше номеран школын «Наше время» йоча ушемжын командыже эн вианлан шотлалтын. Морко район Коркатово лицейын командыже (снимкыште) 2-шо верым сенен налын.

В.СМИРНОВ ямдылен.



Фотом лицейын архивше гыч налме.

Тунемшын сенымашыже – куан



Фотом еш архив гыч Налме.

2021 ий мучашке лишемеш. Кажне ег идалыкым иктешла. И.С.Палантай лумеш тўвыра да сымыктыш колледжын Национальный сымыктыш гимназийыштыже марий йылмым да литературым туныктышо Э.В.Петрован паша лектышыже куандарыше лийын.

ныт. Кеч-могай сенымаш умбакыже пашам утларак виян ышташ кумылым луктеш.

– Эльвира Владимировна, тунемшыда-влакат сенымашышт дене куандарат.

– Идалык мучаште «Марла чын возена» диктантышке ушненна. Тушто шкежат сеныше радамыш логалынам. Эн куандарышыже – вуйлатыме классыштем шинчымашым погышо Лена Семёнован тунемше-влак коклаште сенымашыже. Ёдыр-рвезе-шамыч телевиденийште, радиошто йоча передачылам вудышо семын тыршат, театрыште мастарлыкыштым ончыктат. Тиде

огыл мо туныктышын чонжым куандара?

– У ийлан у шонымаш-влак ямде улыт, очыни?

– Тазалык лишеш гын, пашам ышташ, кўкшытыш шуаш кумыл лектеш. У ийыш у пиал, у шонымаш дене вончем. Вуйлатыме классем вес ийын школ дене чеверласа. Ончылно – экзамен-влак, кумда корныш лекташ ямдылалтмаш. «Ямде лий» газетым лудшо-влак, таза лийза, ончыко ўшан дене ошкылза, тунеммаште але пашаште сай лектыш лийже.

Х.АЛЕКСАНДРОВА мутланен.

Снимкыште: Э.В.Петрова
Лена Семёнова дене пырля.

– Тиде идалык ятыр куаным пөлеклен. Ий тўнгалтыште Москошто эртаралтыше Педагогический мастарлык форумлан кыртмен ямдылалтынам. Лектыш уда огыл: кумшо вер дене палемде-

У ийым кузе вашляш ?

Портым пу але кўртнё арвер дене сорастарыза. Шемалге-кўрен тўсым ший але шортнё тўс дене пырля кучылтса.

Тыгак мандариным, апельсиним, хурмам верандыза.

Пайрем ўстембалне петрушко, укроп, ковышта, кеч-могай шыл лийшаш улыт.

Ўстембалшовыч куэм гыч ыштыме гын, сайрак. Тигр сут янлык гынат, пушкыдым йората.

Пеленда модыш тигрым, сувенирым шындеда гын, ий мучко сенымаш вуча.

У ийым янлыкым сўретлыман вургем дене ида вашлий.



Вика СИДОРКИНАН сўретше.
Медведево, Куяр.

Вучымо пайрем

Вашке мемнан деке У ий лишемеш. Школышто кугу пайрем лишеш. Технологий урокышто кожым шке гыч ыштена (**снимкыште**). Эн мотор кожын озажлан пөлек лишеш. Рисований урокышто У ий пайремын сылне пушенгыжым сўретлена. Кажне класс «Кож, иле» плакатым ямдыла. «Эн мотор кож» фотоконкурсшко уло кумылын ушнена. «Кожым ида ру» сценкым модына. Юзо шўлышан пайремым чот вучена.

5-ше классыште
тунемше-влак.

У Торьял, Токтарсола.



Фотом школ архив гыч Налме.

У ий шўлыш

У ий пайремым йоратыдыме ег тўняштыжат уке, очыни. Йоча-влак Йўштё кугыза деч пөлекым вучат, кугыен-шамыч – у пиалым. У ий пайрем кужу канышым конда. Мый жапым пайдалын эртараш шонем: курык гыч ватрушко, ече дене мунчалташ тўналам. Тек кажне егын чоныштыжо У ий шўлыш озалана.

Юля ЯГОДАРОВА.
Советский, Кельмаксола.

Ший салам!

– Ший салам, салам тылат! –
Унала У ий вашка.
Тудын ошкылмым колат,
Кеч эре поран лүшка?

Ме, йоча-влак, куаналын,
Ош кочайым вучена.
Кож йыр погынен шогалын,
Сылнын ме муралтена.

Аня АНДРЕЕВА.
Кужэгер, Тошто Йүледүр.

Изи озавате

«Кугу пырыс» салат

Кўлыт: 2-3 паренге, 1 кияр, 200 грамм колбаса, 1 шоган, 2 кешыр, 5 муно.

Сөрастарашлан: кешыр, маслине, муношо, колбаса да ужар шоган.

Паренгым, муным, кешырым шолташ. Шоганым жаритлаш. Талингаш лончо дене опташ: 1-ше лончо – тёрко гоч нүжымö паренге. 2-шо лончо – жаритлыме шоган. 3-шо лончо – колбаса. 4-ше лончо – кубик дене пүчкедыме кияр. 5-ше лончо – муно. 6-шо лончо – кешыр. Кажне лончо коклаш майонезым йыгалташ. Тигр семын сөрастараш.



Палаш онгай

Акрет
Египетыште

У ийым кенгеж тўналтыште,
Нил энгерын ташлымыж годым, пайремленит.

Пластик ате гыч – тигр

Авам дене пырля 2022 ийын символжым – тигрым – пластик ате гыч ыштенна. Ончалза, могай мотор лектын! Йоча-влак, теат ыштен кертыда. Тидлан пластик ате, термоклей, ПВА клей, салфетке, фольга, пушкыдо пластилин да гуашь кўлыт. Фольга гыч кидым, йолым, почым, вуйым кельштарена да термоклей дене атышке пижыктена. Ёмбачынже пушкыдо пластилиным тушкена, ик суткалан кошкаш шындена. ПВА клейым тигрын капышкыже, атышке, йыгена, салфеткым пижыктена. Ош гуашь дене чиялтена. Корнылам шем тўс дене кельштарена.



Фотом еш архив гыч налме.

У шонымаш дене

«МЭТР» телеканалын журналистше Наталья Ямаевалан 2021 ий тўвыргö лектышан лийын. Эн кугу сенгымашыжлан «Авай дене пырля улына» проект дене «Многоликая Россия», «СМИротворец-2021» всероссийский конкурс-лаште кушто верым налмыжым шотла. Республикысе конкурслаштат ятыр гана ойыртемаалтын. Кугу лектышын секретше кушто?

– Шке пашамым йöратем, тудым пален, лийжак манын ыштем. Кажне передачышке уло чонемым пыштем, – ойла Наталья.

Уста журналистын шонымашыже ятыр. Шушаш идалыкыште у проект-влакым илышыш шындырынеже.

– Вес регионласе журналист-влак газетыште але телевиденийыште тыршыме дене веле огыт серлаге. Мутлан, икте коммерческий огыт



Фотом еш архив гыч налме.

организацийым почеш. Вес YouTube-каналыште, Instagram соцкылыште блогым вўда. Икманаш, йöным мушо йöрым кочкеш. Шонкалаш да вийым тергаш кумыл гына лийже! – ойла Н.Ямаева (снимкыште Аня ўдыржö дене пырля).

Х.АЛЕКСАНДРОВА.

Йўштö кугызалан – серыш

Салам, Йўштö кочай. Кузерак илыштыда? 2021 ийыште шкемым сайын кученам. «Нылытан» ден «визытанлан» тунемынам. Ача-авамлан, кочаковамлан полшенам, йолташем-влакланат жапым ойыренам. Акам ден шольым нергенат монден омыл. У ийлан тый дечет чапле пöлекым вучем. Мыйым öрдыжеш ит кодо.



Илья АНДРЕЕВ.

Кужэгер, Шўдымарий.

Юзо пагыт

У ий юзо шўлышан, маныт. Йўштö кугызан толмыжым изин-кугун вучем. Пöлеклан книгам конда, шонем. Книга эре кўлеш, тудын акше шерге.

Надя РАССАНОВА.
Морко, Коркато.

Йўштö кочай, поро кече! Серышем тый декет миен шуын гын, тўткын луд. Мыланем телылан чапле ечым пöлекле. Тыглайым огыл, юзым. Тек олмешем чыма, да мыйым нигö поктен огеш шу.

Миша МАСАНОВ.
Медведево, Куяр.



Палаш онгай

Йоча-влаклан

Кремльысе У ий

ёлко 1954 ийыште икымше гана эртаралтын.

→ Ййштö кугызан илыме верыштыже Лешка лйман ош пйчö ила.

→ Янда гыч У ий модышым Скандинавийыште XIX курым кыдалне ышташ тйналаныт.

Л.Н.ГРИГОРЬЕВА,

түн редактор:

– Пагалыме тунныктышо, ача-ава, коча-кова, йоча-влак, идалык мучко «Ямде лий» дене пырля лиймы-ланда кугу тау. Ончыкыжымат вашкылна пенгыде лиеш манын шонем. Чолган возкален шогышо йоча-влаклан юнкор лймым кйшнö кучаш, икымше ошкылым ыштышешамычлан сешымашке шуаш тыланем. Чылан таза лийза!



Э.В.АЛЕКСАНДРОВ,
Марий Онъыжа, Марий Мер
Кангаш вулатыше:

– Волгыдо, куан кумылм 2022 ий конда. Тошттыжым, удажым эртыше ийыште коден, у йшан, у пиал, у шиж-маш дене толшо ийыш тошкалына. Тек тендан ешда тичмаш, родо-тукымда пиалан да таза лийыт. Самырыкше кугыракым пагалыже, кугыракше изиракым марий ййла почеш илаш тунныктыжо. Тек кажне марий ешыште поррылык да пагалы-маш оза-ланат.



А.А.ТИХОНОВА,
Республикысе курчак
театрын артистыкыже:

– Ме, театрысе артист-влак, Ййштö кугыза ден Лумйдыр, ача-ава, коча-кова, йоча-шамычым шуаш У ий пайрем дене саламлена. Пенгыде тазалыкым, пиалым, сешымашым тыланена. Шонымашда-влак шукталтышт. Изи зрительна-шамычым 9 январь марте У ий ёлкыш вучена.



Л.А.ВАСИЛЬЕВА,
тунныктышо:

– Звенигово район Поянсола школышто тунныктышо-влак «Ямде лий» газет дене пенгыде кылым кучена. Марий йылме урокышто – кугу польши. Йоча-шамыч кажне арнян газетым вучат, пырля шергалыт. Тыгай чапле газетым ямдылыше-влаклан кугу тау. Тек «Ямде лий» газет кажне суртышто лиеш. У ий дене!



Тудо шере, яклака,
Тылзым чылт ушештара.
Кажне тудым йората,
Мо гын тиде, паледа?

Е.А.КОШКИНА,
этнодизайнер:

– У ий – эртышым, кызытсым, ончыкылыкым ушышо юзо пайрем. Эртышым палыде, кызытсым пагалаш, ончыкылык нерген шонкалаш ок лий. Шочмо кундемдан историйжым, тйвыражым шымлыза, марий калыкын ййлажым жаплыза. У ий дене!



Ужар кеҥежым але ййштö телым
Чияшыже ужар вургемже веле.
У ий пайремлан школышко толеш –
Ужгаже тйрлö тйс ден волгалтеш.

У ий азап деч посна

У ий пайремым сайын эртараш
Тул лүдыкшым күлешак корандаш.
А күштымашым правил-влак почеш,
Кергалын шокшым, тёрлаташ күлеш.

Шогаalte кожым пенгыдемден,
Конга, камин дечын ордыжтарен.
Тый ит веранде «тушман-влак» воктен
Ўзгарым чеверым, ачам лүдыктен.

Чылт шүдырла койшо сылне гирлянде
Заводышто ыштыме лийже – стандарт.
А түрлө азаплан улат мо тый ямде?
Лийшаш гирляндын печатян сертификат!

Ший кож воктеке
верланаш шонет гын,
Чүкташ бенгал тулым
чылтак тый ит тошт.
Пайрем кумылетым
волташ огыл манын,
Шыжалтше тулуйпым
рүзен итак кошт!

И.ИВАНОВ (Тулпатыр).



«Ямде лий» 2021 ий 24 декабрь

Шернур район Кукнур школын 2-шо классыштыже тунемше-влак (снимкыште) У ий пайремлан чот ямдылалтыт. Классыштым сӱрастарат, конкурслашке ушнат. Туныктышо Т.А.Конакован вуйлатымыж почеш шушаш идалыкын озажым, тигрым, шке ыштеныт.

Фотом школ архив гыч налме.


Теле каныш

Ура-а-а! Теле каникул тӱналеш. Йоча-влак-лан мыняр куан! Курык гыч издер, ече, ватрушко дене шер теммеш мунчалташ лиш. Ме акай дене пеш йывырген улына. Яндар южышто яра жапым эртараш йӱратена. Тиде тазалыклан пеш сай. Мемнан почеш изи пийна кудалыштеш. Тудланат пырляште весела.

Анна МИХАЙЛОВА.

Волжский, Кугу Корамас.

27 декабрь — Лум пырчим кагаз гыч пӱчкедыме кече.



М.Шкетан лӱмеш Марий кугыжаныш драме театр			
Рекламе. ЯНВАРЬ			
2	16:00	АВА каПИТАЛ / Материнский капитал	В. Матвеев
3	16:00	ШИЙ ПАМПАЛЧЕ / Серьезная Пампалче	Э. Зайтунца, С. Инзукова
4	16:00	ОРЪЕН МЕЛНА / Свадебные беды	А. Волков
5	16:00	УЛО ЯЛАН ИК ЙОГОР / Без Игоря будет горе	В. Тельчев
6	16:00	СОСНА ПОМИНКА / Поминки по сосне	Г. Г. Гораев
7	16:00	УДЫР ТАНААН САЙ ПЕДАШ / Три красавицы	В. Красногорев
8	16:00	МАРИНАВТ-ВЛАК АЛЕ ТЕВЕ КУШТО ИАЫШЕТ! / Мариновты или Вот где жизнь!	Э. Данилова
21	18:00	БАВАЙ / Ба	Ю. Тугицына
22	16:00	ОСКАР И РОЗОВАЯ ДАМА / Писемда Вай на русском языке	Э. Шинт
28	18:00	ЭХ, КУШТО ЁДЫРЫМ МУАШ? / Женись, сынок, женись	А. Платов
СПЕКТАКЛИ ДЛЯ ДЕТЕЙ			
2	10:00	МОРОЗКО / Сказка с интермедией на русском языке	Н. Колева
3	10:00	КАША ИЗ ТОПОРА / Сказка с интермедией на русском языке	Г. Агальева
4	10:00	НОВОГОДНИЙ ПЕРЕПОЛОХ / Сказка с интермедией на русском языке	Ф. Волонтинова
5	10:00	ТРИ СЕСТРЫ / Сказка с интермедией на русском языке	В. Глестев
6	10:00	КОЛОБОК / По мотивам русской народной сказки на русском языке	В. Глестев
7	10:00	ЛЕСНАЯ СКАЗКА / Сказка с интермедией на русском языке	В. Дюмрине
23	11:00	КУМ АКА-ШӰЖАР / Комедия	В. Глестев

«Ямде лий» газет
Тӱн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Кугарня газет» кугыжаныш унитарный казна предприятий.
Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскерме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № Ту52-01335,
2021 ий 29 сентябрьште пуымо.

0+ Печатьшш пуымо жап – 14-00, фактически – 13-00
Авторын да редакцийын шонымашышт түрлӱ лийын кертыт. Серыш-влак мӱнгеш огыт колталт. Ак – кутырен келшыме почеш.
Редакцийын да издательнын адресше: 424006, Йошкар-Ола, СССР Вооруженный Вийын 70-ше идалыкше урем, 20-шо порт. Тел. 8(8362) 45-22-82(факс)



Маша ден Ратибор
ГРЯНОВМЫТ.

Сургут ола.

Юзо теле
да мый



Конкурс

Лёва НЕБОГАТИКОВ йолташыже-влак дене пырля.
У Торьял, Токтарсола.

Шотлыза:

	x		=	8
÷		x		
	+		=	4
=		=		
2		12		

Тушто

Öрышан,
кужу почан,
Шеме,
нарынче корнан.
Тудо чылтак
пырыс гай,
Савырнен ончал,
акай.

Шүдыр ден
шүм-влакым шот-
лыза. Вашмутым
возыза.



Задаче

Лу марте числа-влак
кокла гыч могай циф-
рым унчыли савыралат
гынат, тугак
лудалтеш?

Теле дене кылдалтше
лүм мут-влакым палыза:
олык + Шор + й =
мөр + учө + Л + м =
Кож + ер =
он + Йошкар =
корем + тыш + П =

м + Лу + үдыр =
Карина МИХАЙЛОВА.
Волжский, Сотнур.



Мужырдымо пижым муза.



Ача ден
эрге

кожым сөрастарат.

- Ачай, молан кам-петкым кижкө сакалет?
- У ий марте кочкын ит пытаре манын.
- Тлугеже мыланем шийым веле кочман?

8 ойыртемым муза.



Интернетесе сүрет-влакым кучылтмо.